



არასამეწარმეო (არაკომერციული)
იურიდიული პირი " ზესტაფონის დასუფთავებისა
და კეთილმოწყობის სერვისის ცენტრი"



წერილის ნომერი: 40-2222014169
თარიღი: 14/01/2022

ადრესატი:

ვასილ გველესიანი
ზესტაფონის მუნიციპალიტეტის მერია-მერი

ზესტაფონის მუნიციპალიტეტის მერს

ბატონ გიორგი გოგლიჩიძეს

ააიპ ზესტაფონის დასუფთავებისა და

კეთილმოწყობის სერვისის ცენტრის უფროსის მ/შ

ოლეგ შველიძის

ა ნ გ ა რ ი შ ი

ააიპ ზესტაფონის დასუფთავებისა და კეთილმოწყობის სერვისის ცენტრის მიერ ყოველდღიურად ხდება ქალაქის 16 ქუჩის, 11 სკვერის, 1 პარკის დაგვა-დასუფთავება, 120-150 მ³ საყოფაცხოვრებო ნარჩენების გატანა ქალაქის 90 ქუჩაზე და 2 მრავალსართულიანი საცხოვრებელი ბინის (ბუნკერი) მცხოვრები მოსახლეობიდან. ვემსახურებით ზესტაფონი-ხარაგაულის, ზესტაფონი-ჭიათურის, ზესტაფონი-ბაღდადის მაგისტრალს (პერიოდულად ტარდება დასუფთავების აქციები) და 11 სკვერის, 1 პარკის, 7 ეკლესიის ეზოში, მუნიციპალიტეტის სოფლებში (სოფ. ზედა საქარა, სოფ. ქვედა საქარა, სოფ. ქვედა საზანო, სოფ. ბოსლევო, სოფ. პირველი სვირი (ხოხოულის დასახლება, სოფ. პირველი სვირის ხიდი), სოფ. მეორე სვირი ნაწილობრივ, სოფ. არგვეთა „წყაროებამდე“ და შაორგვის დასახლება, სოფ. შრომა). მუნიციპალიტეტის სოფლებში (სოფ. არგვეთა, სოფ. ბოსლევო, სოფ. შრომა) არსებულ მინი სტადიონებზე, სოფ. მეორე სვირში და შორაპანში არსებულ იუსტიციის სახლებზე დამონტაჟებულ გარე განათებას.

ვემსახურებით მუნიციპალიტეტის მთელ ტერიტორიაზე კერძო მესაკუთრეებიდან და ინდ.მეწარმეებიდან საყოფაცხოვრებო ნარჩენების გატანას, მათთან ინდივიდუალურად გაფორმებული ხელშეკრულების საფუძველზე. საყოფაცხოვრებო ნარჩენების გატანას ყოველდღიურად ვაწარმოებთ სერვისის ცენტრის ბალანსზე რიცხული სპეცტექნიკის გამოყენებით.

მუნიციპალიტეტის ტერიტორიაზე და ადმინისტრაციულ ერთეულებში შემავალი სოფლების საავტომობილო, ფეხით სავალ ადგილებზე, ხიდებზე მოყრილ იქნა ტექნიკური მარილი.

ზარის მეთოდის გამოყენებით ვემსახურებით ნაწილობრივ სოფლების და ქალაქის კერძო დასახლებულ უბნებში მცხოვრებ მოსახლეობას 4 ერთეული თვითმცლელი

ავტომანქანის საშუალებით, რომელიც არის მოძველებული ტექნიკა. გამართული და ნორმალური ფუნქციონირებისათვის მიზანშეწონილად მიგვაჩნია შეძენილ იქნას 1 ერთეული ამწე კალათი 18 მეტრიანი, 2 ერთეული ნაგავმზიდი 13+1 მ³, 2 ერთეული თვითმცლელი 10-20 მ³-მდე მოცულობის, 1 ერთეული მსუბუქი სატვირთო თვითმცლელი (დუბლ კაბინით), 200 ცალი ნაგვის კონტეინერი 1 მ³ მოცულობის, 100 ცალი დეკორატიული ურნა.

მუნიციპალიტეტის ტერიტორიაზე და ტურისტულად მიმზიდველ ადგილებში პერიოდულად ტარდება დასუფთავების აქციები. 2021 წლის 01 იანვრიდან 2021 წლის 31 დეკემბრამდე გატანილი იქნა 1285,8 ტონა საყოფაცხოვრებო ნარჩენი. გარდა ამისა, ააიპ სერვის-ცენტრის სპეც-ტექნიკის გამოყენებით მუშა მოსამსახურეებმა გაიტანეს მოსახლეობის მიერ ქუჩაში დაყრილი სარემონტო-საამშენებლო ნაგავი.

სერვის ცენტრის მიერ განხორციელდა მუნიციპალიტეტის ტერიტორიაზე გზის ნაპირების, ხიდებსა და სკვერებში ნალექის შედეგად დაგროვილი შლამის მოფხეკა და გატანა, სკვერებში და პარკებში ნალექის შედეგად მოტეხილი ხის ტოტების ჩამობეღვა და გატანა.

მუნიციპალიტეტის მერის ბრძანებით მუნიციპალიტეტის მთელ ტერიტორიაზე მუნიციპალიტეტის საკუთრებაში მყოფი მრავალწლიანი მწვანე ნარგავებისა და გამწვანებული (ხანდაზმული, გამხმარი, ავარიული) ნარგავების შეფასებისათვის შექმნილი კომისიის გადაწყვეტილების საფუძველზე მიღებული შეფასების შემდეგ სერვის ცენტრი ახდენს გამხმარი და ავარიული ხეების მოჭრა-გადაბეღვას, რომლებიც ურიგდება სოციალურად დაუცველ ოჯახებს საშემოდ. ასევე სოციალურად დაუცველ ოჯახებს, მუნიციპალიტეტის ადმინისტრაციულ ერთეულებში შემავალ საექიმო ამბულატორიებს საშემოდ გადაეცა და განვლილი 12 თვის მანძილზე განაწილდა 561,5 მ³ საშემოდ მასალა.

ყოველდღიურ რეჟიმში ვაწარმოებთ სარემონტო სამუშაოებს მუნიციპალიტეტის მთელ ტერიტორიაზე არსებული ქუჩების, სკვერების, მინი სტადიონების ღამის განათებებზე, ღამის განათების კუთხით. წერილობითი მოთხოვნის საფუძველზე მოხდა ქალაქის სხვადასხვა ქუჩებსა და უბნებზე, სოფლებშიც ღამის განათების მეორადი სანათი ფარების დამატება.

მუნიციპალიტეტის მიმდებარე ტერიტორიაზე დამონტაჟდა ახალი 1500 ლედ სანათი ფარი. გარდა ამისა ღამის განათების რკინის ბოძებზე ეტაპობრივად ხდება ელ. შედუღებითი და სამღებრო სამუშაოების ჩატარება.

სერვის ცენტრის მიერ ხორციელდება ზესტაფონის მუნიციპალიტეტის და მუნიციპალიტეტის სოფლების მიმდებარე ტერიტორიაზე უმეტვალყურეოდ დარჩენილი ცხოველების იზოლირება, კერძოდ: მოხეტიალე ძაღლების თავშესაფარში გადაყვანის მომსახურების შესყიდვა და შესაბამისი მომსახურების გაწევა. ელექტრონული ტენდერში გამოვლენილი გამარჯვებული შემსრულებლის მიერ 12 თვის მანძილზე თავშესაფარში ტენდერის პირობების შესაბამისად გადაყვანილი იქნა 90 სული უმეტვალყურეოდ დარჩენილი ძაღლი.

სერვის-ცენტრი უზრუნველყოფს მუნიციპალიტეტის მერის წერილობითი მოთხოვნის საფუძველზე სოფლის ჩიხებსა და გზებზე ახდენს სპეც-ტექნიკით, ექსკავატორით სხვადასხვა სახის ღორღით მოსწორებით და გაწმენდით სამუშაოებს.

აგრეთვე ვასრულებთ ბევრ გაუთვალისწინებელ სამუშაოებს.

აქვე წარმოგიდგენთ ააიპ ზესტაფონის დასუფთავებისა და კეთილმოწყობის სერვის ცენტრის 12 თვის ფულადი სახსრების ხარჯვის ანალიზს.

პატივისცემით,

ოლეგ შველიძე

ა(ა)იპ ზესტაფონის დასუფთავებისა და კეთილმოწყობის სერვის ცენტრი-უფროსი